

Script of Evening Gojri News Bulletin 13 January 2025 at 1700

HRS

ایوننگ گو جری نیوز بلیٹن مورخہ 13 جنوری 2025

یوہ آکا شوانی جموں ہے عیدالرحمان تے نصرت تیں خبر سُنو۔
پہلاں خاص خاص خبر۔

Headlines

- ۱۔ وزیراعظم نریندر مودی نے اج ضلع گاندربل مانہ سونامرگ ٹنل گو افتتاح کیو ہے تے کہیو ہے کہ صبح چیز صبح وقت ور دتی جنیں گی۔
- ۲۔ وزیراعلیٰ عمرعبداللہ نے سونامرگ ٹنل غا افتتاح غے دوران اپنا خطاب مانہ وزیراعظم نریندر مودی تیں اصرار کیو ہے کہ وے جموں کشمیر غا ریاست غا درجہ نانہ بحال کریں۔
- ۳۔ دفاعی عملہ غا چیف نے کہیو ہے کہ بھارتیہ جوان سال ۲۰۲۴ تک ملک نانہ ترقی یافتہ ممالک غی فہرست مانہ شامل کرن وستے اہم کردار ادا کریں غا۔
- ۴۔ اج نوی دہلی مانہ کھو کھو عالمی کپ ۲۰۲۵ کھیڈ مقابلہ اندراگاندهی انڈور کھیڈ میدان مانہ شروع ہو رہیا ہیں۔
- ۵۔ جموں کشمیر مانہ محکمہ موسمیات نے ۹۱ جنوری تک موسم خشک تے صاف رہن غی پیشن گوئی کی ہے۔

PM INAUGURATION

وزیراعظم نریندر مودی نے اج کشمیر گا گاندربل ضلع مانہ سونامرگ ٹنل غو افتتاح کیو تے اس ٹنل نانہ قوم غے نام وقف کیو ہے اس افتتاحی تقریب مانہ مرکزی وزیر نتن گڈکری وزیر مملکت ڈاکٹر جتندر سنگھ جموں کشمیر غا لیفٹیننٹ گورنر منوج سنہا وزیر اعلیٰ عمر عبداللہ جموں کشمیر یو ٹی غا اعلیٰ وزراء ممبر پارلیمنٹ تے اس پروجیکٹ نال جڑیا کنی اعلیٰ عہدیدار وی موجود تھا وزیراعظم نریندر مودی نے ٹنل غے اندد جاغے اس گو جانیزو لیو اس دوران جناب مودی نانہ اس ٹنل پروجیکٹ بارے تفصیلی جانکاری فراہم کی گئی اس ٹنل غا افتتاح نال ضلع گاندربل مانہ گنگر تے سونامرگ بشکار ۰۲ تیں ۵۲ منٹ مانہ سفر طے کیو جاسکے غو یوہ تئل جدید طرز غی کٹنگ ایج تکنیکاں نال لحت ہے سونامرگ ٹنل غا افتتاح تیں بعد وزیراعظم نریندر مودی نے کہیو کہ وے جموں کشمیر غی عوام نال کیا گیا وعدہ پورا کریں گا اور صبح چیز صبح وقت ور ویں غی۔ وزیراعظم نریندر مودی غو یوہ بیان وزیراعلیٰ عمر عبداللہ غا خطاب تیں بعد آیو جس مانہ موصوف نے جموں کشمیر غا ریاست غا درجہ نانہ بحال کرن ور زور پایو تھو اس موقع ور بولتاں جناب مودی نے اس طرح کہیو جناب مودی نے مزید کہیو کہ جموں کشمیر ملک غو تاج ہے تے وے اس علاقہ نانہ مزید خوبسورت تے خوش حال بنانو چاویں اس موقع ور بولتاں وان لیفٹیننٹ گورنر منوج سنہا نے کہیو کہ اس ٹنل گا افتتاح نال سونا مرگ غے اندر سیاحت نانہ مزید فرو ملے غی تے علاقہ غی سماجی تے معاشی صورتحال وی مزید بہتر ویں گا اس دوران بولتاں وان ایل جی موصوف نے اس طرح کہیو۔

CM STATEHOOD

وزیر اعلیٰ عمر عبداللہ نے وزیراعظم نریندر مودی تین اصرار کیو ہے کہ وے جموں کشمیر نانہہ دوبارہ ریاست غو درجو دین غا اپنا وعادہ نانہہ پورو کریں سونا مرگ ٹٹل غا افتتاح تیں بعد اپنا خطاب مانہہ وزیر اعلیٰ عمر عبداللہ نے وزیراعظم نریندر مودی غی طرفوں کیا گیا ۳ وعداں وچوں ۲ وعدہ پورا کرن ور خوشی غو اظہار کیو اس دوران بولتاں واں وزیر اعلیٰ عمر عبداللہ نے اس طرح کہیو۔ اس تیں پہلاں وزیر اعلیٰ عمر عبداللہ نے اپنا افتتاحی خطاب غی شروعات گزشتہ سال اکتوبر مانہہ گنگگیر غا مقام ور بویا حملہ مانہہ ۷ افراد غی ہلاکت نانہہ یاد کرتا مانہہ کی۔

ARMY CHIEF BRIEFING

فوج غاچیف جنرل یویندر دیودی نے کہیو کہ شمالی سرحدان کی صورت حال حساس لیکن مستحکم ہے انہاں نے یقین دوايو کہ فوج کسے وی صورت حال نال نمڑن واسطے تیار ہے تے سرحدی علاقہ مانہہ مضبوط ڈھانچو بنانو بھارتی فوج غی ایم ترجیح ہے جنرل دیودی نے اج نوی دلی مانہہ بھارتی فوج غی سالانہ پریس کانفرنس غے دوران دسیو کہ جموں کشمیر غی صورت حال بُن بہتر ہے تے اُت دہشت گردی بُن ختم ہو رہی ہے تے لوک سیاحت غی جانب توجہ دے رہیا ہیں انہاں نے مزید دسیو کہ گزشتہ سال ہلاک کیا گیا ۰۶ فی صد دہشت گرد پاکستان تیں تھا جنرل دیودی نے کہیو کہ جموں کشمیر غا لوک امن گا حق مانہہ ہیں تے مشرقی لداخ مانہہ انہاں نے دسیو کہ دنچوک تے دسانگ غا مسئلہ حل ہو گیا ہیں جس تیں اُن علاقان مانہہ دوبارہ گشت غی سرگرمی شروع ہو گئی ہیں۔

GMC UDH HMPV

ایچ ایم پی وی انفیکشن غا خدشاں غے پیش بظر گورنمنٹ میڈیکل کالج ادھمپور نے اس وائرس گا ممکنہ خطرات نال نمڑن غی تدبیراں ور کام شروع کردتو ہے واضع رہ کہ اس تیں پہلاں کووڈ ۹۱ وائرس گا پگیلن سنگ بعد مزکورہ ہسپتال مانہہ ۳ ہزار تے ۱ ہزار لیٹر صلاحیت غا ۲ آکسیجن پلانٹ نصب کیا گیا تھا جن وچوں ۱ ہزار لیٹر صلاحیت آلو آکسیجن پلانٹ خرابی غے چلتیں دوبارہ استعمال قابل بنایو گیو ہے ای ایم پی وی انفیکشن نال متاثر ہون آلا افراد وستے ۸ بستراں غی ایک علیحدہ وارڈ بنائی گئی ہے واضع رہ کہ اس ویلے تک ضلع غے اندر ایچ ایم پی وی گو کوئے وی معاملو سامنے نہیں آیو لیکن ہسپتال انتظامیہ کسے وی طرح غی صورتحال نال نمڑن وستے ہر ممکن اقدام کر رہی ہے۔

VETERANS OUTREACH PROG

بھارتیہ فوج غی گورج ڈویژن نے اج کٹھوعہ گا جنگلوٹ علاقہ مانہہ فوج گا بہادر جواناں کی سولہ افزائی تے شہید بویا بہادر فوجیاں گا کُنیاں نال اظہار یکجہی غی خاطر ایک شاندار پروگرام منعقد کرایو اس تقریب غو انعقاد بہادر فوجیاں نانہہ اعزاز تے حوصلہ افزائی کاظر کیو گیو جن نے ملک تے قوم غی خاطر بے لوث خدمات پیش کی اس تقریب مانہہ ۰۲ ایسا بہادر فوجی وی شامل تھا جن نے عظیم جنگاں مانہہ وی حصو لیو تھو ان مانہہ ۱۷۹۱ غی جنگ مانہہ حصو لین آلا فوجی وی شامل تھا اس دوران ان بہادر سابقہ فوجیاں نے اپنی بہادری غا قصہ نوا فوجی جواناں نانہہ سنایا تے اُن غو حوصلو بدھایو اس تقریب غے دوران ایک طبی معائینہ کیمپ وی لایو گیو ہمارا نمائندہ نال گل بات کرتاں واں اس تقریب مانہہ شرکت کرن آلا کچھ افراد نے اس طرح کہیو۔

CDS NSS

دفاعی عملہ غا چیف جنرل انیل چوہان نے اچ کہیو کہ ملک غا نوجوان بھارت نانہہ ۷۴۰۲ توڑی ایک ترقی یافتہ قوم بنان مانہہ سب تیں بڑو کردار ادا کریں غا یا گل انہاں نے دلی مانہہ قومی کیڈٹ کاپس غا یوم جمہوریہ ۲۰۲۵ کیپ مانہہ نوجوان کیڈٹ تیں خطاب غے دوران کہی جنرل چوہان نے کیڈٹ غی تعریف کی انہاں نے ایک پیڈ ماں غے ناں مہیم غے تحت پورا سال مانہہ ۱ لکھ تیں متہ درخت لایا ہیں انہاں نے مزید کہیو کہ پونیت ساگر ابھیان غے تحت کیڈٹ نے تقریباً ۳ سو ۷۲ ٹن کوڑو کرکٹ صاف کیو جنرل چوہان نے نوجواناں نانہہ نصیحت کی کہ وے کدے بار نہ منیں تے ملک غی تعمیر تے ترقی مانہہ اپنو بہترین کردار ادا کریں۔

DIG DC BADHAAL VISIT

راجوری پونچھ غا ڈی آئی جی تیجندر سنگھ نے ڈپٹی کمشنر راجوری ابھیشک شرما تے ایس ایس پی گورو سکروار غے نال راجوری غا بدال علاقہ غو دورو کیو تانجے علاقہ غی موجودہ صورتحال غو جانیزو لیو جاسکے تے متاثر برادری برادری غی فوری مدد نانہہ یقینی بنایو جاسکے ڈی سی راجوری نے ضروری طبی امداد فراہم کرن واسطے ایمبولینس طبی عملو تے آشا ورکر نانہہ تعینات کیو ہے بیمار مریضاں غی جانچ واسطے اُن گا نمونہ اکٹھے کیا گیا ہیں جن تیں بیماریاں غی شناخت کی جاسکے غی تے اُن غا نتائج حاصل کیا جاسکیں غا۔ پولیس نے وی اس سلسلہ مانہہ نوا سرا تیں تفتیش شروع کردتی ہے قابل ذکر گل ہے کہ بدال گا گراں مانہہ مشتبہ کھوراک مانہہ زہریلہ مواد غی وجہ تیں کئی موت واقع ہوئی ہیں ڈی سی موصوف نے عوام نانہہ یقین دوايو ہے کہ جلد ہی مدد کی جے غی تے سب مل غے اس معاملہ غو حل تلاش کر رہیا ہیں حکام نے لوکاں نانہہ کہیو ہے کہ وے کھنراں نہیں تے محکمہ غی طرفوں جاری ہدایات ور عمل کریں۔

VDG TRAINING CAMP

بھارتیہ فوج نے جموں غا سرحدی گرایاں مانہہ گرانیں حفاظتی گارد غی تربیت خاطر ۱ ہفتہ غا تربیتی کیمپ گو انعقاد کیو جس دوران وی ڈی جی نانہہ ضروری تربیت دتی گئی اس قدم غو مقصد علاقہ غے اندر حفاظتی صورتحال نانہہ مزید بہتر بنانو تھو جموں گا سرحدی علاقوں غے اندر اس طرز غا تربیتی کیمپ دفاعی سطح ور بڑی اہمیت رکھیں۔

KHO KHO WORLD CUP

کھو کھو عالمی کپ ۲ ہزار ۵۲ کھیڈ مقابلہ اچ نوی دہلی گا اندراگاندهی اندرونی کھیڈ میدان مانہہ شروع ہو رہیا ہیں افتتاحی اڈیشن مانہہ بھارتیہ اولیمپک تنظیم غی سانج نال مرداں غی ۰۲ ٹیم جدکہ ۹۱ خواتین ٹیم حصو لے رہی ہیں۔ بھارتیہ کھو کھو فیڈریشن نے مرداں تے خواتین مقابلہ ٹیمیں وستے ۵۱ ممبر سکویڈ تشکیل دتو ہے تے اچ شام ۸ بج غے ۰۳ منٹ ور کھو کھو عالمی کپ غو پہلو مقابلو بھارت تے نیپال غی ٹیم بشکار وے غو۔

WEATHER

محکمہ موسمیات نے ۶۱ جنوری نانہہ مرکزی زیر انتظام علاقہ جموں کشمیر غا الگ الگ اُچا علاقوں مانہہ ہلکی برف باری غی پیشن گوئی کی ہے آکاشواںی جموں گا نامہ نگار نے

اطلاع دتی ہے کہ ۴۱ جنوری نانہہ موسم عام طور ور ابرآلود رہ غو محکمہ موسمیات نے
پیشن گوئی کی ہے کہ ۵۱ تے ۶۱ جنوری غے دوران جموں کشمیر مانہہ الگ تھلگ تے اچا
مقامات ور ہلکی برف باری غے نال موسم ابر آلود رہ غو نال موسم ابرآلود رہ غو تے
جنوری غی ۷۱ تاریخ تیں ۹۱ تاریخ توڑی موسم گا ابرآلود رین غا امکان ہیں ماہرین
موسمیات نے مزید کہیو کہ ۹۱ جنوری توڑی جموں کشمیر غا موسم مانہہ کوئی بڑی تبدیلی
متوقع نہیں ہے تے ۱۲۰۰۲ جنوری نانہہ کئی مقامات ور ہلکی برف باری غے نال موسم ابر
آلود رہ سکے۔